



“Novi lokaliteti za boravak na otvorenom u svrhu unaprijeđenja kvaliteta turističkog proizvoda- Open Air Everywhere”

Projekt “Novi lokaliteti za boravak na otvorenom u svrhu unaprijeđenja kvaliteta turističkog proizvoda - Open Air Everywhere” se implementira u okviru trećeg poziva Programa prekogranične saradnje Srbija – Bosna i Hercegovina 2014. – 2020. (IPA II) koji sufinansira Evropska unija. Ukupna vrijednost projekta je 394.082,03 EUR, uz sufinansiranje Evropske unije od 84,87% (334.457,42 EUR) i 15,13% (59.624,61 EUR) doprinosa partnera na projektu. Implementacija projekta je zvanično počela 01.07.2023. godine i trajaće do 31.12.2024.godine.

Područje provedbe Projekta obuhvata lokalitet Ilinčice u Bosni i Hercegovini (BiH), te Zlatiborski okrug u Republici Srbiji a njime se nastoji doprinijeti povećanju turističke ponude i usluga u prekograničnom području kroz jačanje mogućnosti turističkog sektora da privuče što veći broj domaćih turista.

Vodeći partner na projektu je Udruženje za razvoj NERDA iz Tuzle, a partneri iz Bosne i Hercegovine su još i Grad Tuzla i Turistička zajednica Grada Tuzle, te Turistička organizacija zapadne Srbije, kao partner iz Srbije.

Planirano je da se projektom dodatno unaprijedi turistička infrastruktura izletišta Ilinčica u smislu opremanja i dogradnje postojećih sadržaja namijenjenih za aktivan boravak u prirodi. To će, između ostalog, podrazumijevati izgradnju i postavljanje zip-line poligona u dužini od 100 m i stijene za penjanje u visini od 10 m te uređenje rekreativnog parka za najmlađe sugrađane. Značajan dio aktivnosti odnosit će se i na izgradnju kapaciteta ključnih aktera u turizmu za promociju ove vrste turističkih sadržaja te na aktivnosti usmjerene na promociju koncepta turizma koji se zasniva na boravku na otvorenom.

Projektne aktivnosti snažno će doprinijeti umrežavanju ključnih aktera iz turističkog sektora ali i identificiranju potencijala za buduću promociju zajedničkih turističkih proizvoda u obje regije.